

Najviše povreda političkih i građanskih prava

Povrede prava iz pravosuđa i uprave su i dalje među najzastupljenijim žalbama upućenim obudsmenima Bosne i Hercegovine

Institucija ombudsmena za ljudska prava BiH u 2023. primila je 2.794 žalbe i od 4.562 predmeta koja je imala u radu završila 2.831, saopćeno je na prezentaciji Godišnjeg izvještaja o rezultatima aktivnosti te institucije, javlja Fena.

Ombudsmenke Jasminka Džumhur i Nives Jukić su na pres-konferenciji prezentirale pokazatelje djelovanja u izvještajnoj godini, uključujući statističke pokazatelje o broju i prirodi primljenih žalbi, rezultatima njihovog razmatranja, te preporukama čijom realizacijom bi se utvrđena kršenja ljudskih prava trebala otkloniti i prevenirati njihovo ponavljanje.



Predsjedateljica Institucije ombudsmena za ljudska prava BiH Jasminka Džumhur kazala je da se najčešće povrede ljudskih prava u BiH odnose na politička i građanska prava.

- Radi o 771 novozaprimljenom predmetu. Žalbe se odnose na kršenje ekonomskih, socijalnih i kulturnih prava. Povrede prava iz pravosuđa i uprave su i dalje među veoma visoko najzastupljenijim žalbama, te kršenje prava djece, diskriminacija, povrede prava osoba lišenih slobode, prava osoba sa invaliditetom i svi oblici diskriminacije, kazala je ona.

GODIŠNJE IZVJEŠĆE

Ombudsmani
za ljudska
prava
zaprimili
2794 žalbe



Institucija ombudsmana za ljudska prava BiH u 2023. godini ukupno je zaprimila 2794 žalbe i od ukupno 4562 predmeta koja je imala u radu, završila 2831, priopćeno je na prezentaciji godišnjeg izvješća o rezultatima aktivnosti te institucije.

Ombudsmanke Bosne i Hercegovine Jasminka Džumhur i Nives Jukić na press-konferenciji prezentirale su relevantne pokazatelje djelovanja ombudsmana u izvještajnoj godini, uključujući statističke pokazatelje o broju i prirodi primljenih žalbi, rezultatima njihova razmatranja te preporukama čijom realizacijom bi se utvrđena kršenja ljudskih prava trebala otkloniti i prevenirati njihovo ponavljanje. ●